

Kòlòsayì

ǝ pbàkrístò tò Pòlò andí bhàrùwà

Yàrí bhàrùwà ǝ ì nòtù ádròdrǝ dhu tí dhu

Yàrí bhàrùwà nandí ní Pòlò, Yèsù Krístò bhà uvitatále. Kándí ka mbèmbè azà kumì ato údà ndi Yèsù ka kúgù dhu-dzidǝ rǝrǝ. Ka kìrè nga kà randí bhàrùwà Ròmà tǝ kigǝ ò ndi ndí imbi ò rǝrǝ (4.3,10,18). Ányì kǝ dǝna ùbhǝ ka karí atdí idza ǝ (Kas 28.14-31). Ka niǝ inzà àpè àrà Kòlòsayì tǝ kigǝ ò atdíku màtí ndítírǝ ale. Pbéttù, kasu tǝ atdí kà t'òdhìnà, Èpafrà tí kátina ale (Kòl 1.7), níra ndi ndi kigǝ ǝ *kànisa ǝ bhà tǝ màkùrù òvǝ kà tò (Flm 23; Kòl 1.7-8).

Pòlò andí yàrí bhàrùwà Àziyǝ-Ngba tí kátina pbiri ǝ, Kòlòsayì tǝ kigǝ ǝ pbàkrístò tò (Kòmbí ka karí ndi pbiri ànzi Tùrùkiya tǝ). Ndi kigǝ ǝ ábhǝ pbàkrístò niǝ inzà ní Pbhàhùdí (Kòl 1.27). Èpafrà mà Filèmonà màna ùno ndi Ídzi Màkùrù abádhí tò (1.7; Flm 19). Kòlòsayì tǝ kigǝ ǝ pbàkrístò nóongónà 'ùndu Filèmonà bh'ídzá (Flm 2).

Pòlò andí yàrí pbìndà bhàrùwà okúna dǝ rǝ dhu rǝ Kòl 2.1-3 ò. I dhu ní: Atdíthená ale náapè 'ùtrǝ Kòlòsayì tǝ kigǝ ǝ pbàkrístò 'àti, dhu ràkǝ abádhí rǝfu Pbhàhùdí tǝ màndu, ndíní ì ùni tí Kàgàwà mbèyi nyú (2.16-23). Ndirǝ, abádhí ràkǝ nzà 'ùlè Krístò kèlè atdírǝ, pbétù abádhí ràkǝ 'ùlè màlàyíkà mà átò (1.16; 2.10,15). Ní Pòlò rǝ dhu àndí abádhí tò ndàti, Krístò ràrǝ mbà atdí àlǝkyè dǝ kǝkǝ òbi nà ngùkpà dhu-tsí màna, pbétù kàbhà òbi ròsè kórǝ dhu-tsí-òbi dǝnǝ. Ndirǝ, Kàgàwà nyú ndítírǝ ràrǝ kà-nyutsi (Kòl 2.9). Ní Krístò nǝkǝ wà atdírǝ ìndrǝ t'ígútá tò.

Bhàrùwà-nyitì ka kòhù tí dhu

- Pòlò rǝ Kòlòsayì tǝ kigǝ ǝ pbàkrístò nóvi dhu (1.1-2).
- Pòlò rǝ òtsǝ ábhǝ Kàgàwà tò Ídzi Màkùrù rǝ abádhí ùwǝ dhu-okú dǝ rǝ dhu (1.3-14).
- Pòlò rǝ Krístò-òvǝ ilè ka kí yà adzi mà kànisa màna tǝ Ádrùngbǝle tí òná atdí adyi nándí Kòlòsayì tǝ kigǝ ǝ pbàkrístò tò dhu (1.15-20).
- Pòlò rǝ pbàkrístò-okú dǝ rǝ ndi ndí ndùgye dhu ìse dhu (1.21-2.5).
- Pòlò rǝ Kòlòsayì tǝ kigǝ ǝ Kànisa ìsǝ inzà rǝrǝ títò tǝ dhu ùdhè rǝ fiyǝ ale-tsǝ dhu, ndàdè àvinà átò rǝdǝ ì Krístò tò tí dhu (2.6-23).
- Pòlò rǝ abádhí àkǝ 'òkò tí ípirǝngà-òwútá ǝ Kànisa ǝ, fǝ-dzá, ndirǝ inzà àpè Yèsù à'u ale nzínzi ǝ dhu (3.1-4.6).
- Pòlò rǝ pbìndà bhàrùwà ètsa ìndrǝ t'òvita rǝrǝ dhu (4.7-18).

Pòlò rǝ Kòlòsayì tǝ kigǝ ǝ pbàkrístò nóvi dhu

1 Yàrí bhàrùwà nandí ní ima Pòlò, yà Kàgàwà náanzi ma ndi nyú ndi ndòzè ka dhu bhèyi miǝ Yèsù Krístò bhà uvitatále tí rǝ. Mǝ mǝ

atdíkpá àlě t'ádònà Timòtewù mànà. ²Ní, ma màndí dhu fùkù Kàgàwà bhà ale tírò yà Kòlòsayì tó kigò ǝ nyí nyaróko rò. Nyí ní àbanĩnzo, yà Krístò mànà ì nún gbò 'àdù kòwù ùngu atdí affya nyú nà ale. Àlě t'Ábanà Kàgàwà àkà ndàsò nyí, ndàdù nyǎbhu nyòkò màrùngà ǝ.

Pòlò rí ǝtsò àdù Kàgàwà tò Kòlòsayì tó kigò ǝ pbàkrístò-okú dò rò dhu
(*Èfè 1.15-19; Fìl 1.3-6; 1Tè 1.2-4; 3.5-11*)

³Mǎ mǎrí ǝtsò àdù bìlìnganà Kàgàwà àlě tó Ádrùngbǎle Yèsù Krístò t'Ábanà tò dùkú mǎ mí mìtsò rò. ⁴Mǎ mǎrí ǝtsò àdù kà tò, mǎ mǎrí ìngbà dhu bhěyi màtí nyí nyá'ù Yèsù Krístò, ndirò ìngbà dhu bhěyi màtí nyí nyóze Kàgàwà bhà ale kóró dhu dhu-okú dò rò. ⁵Nyí nábhu nyá'ù ndi Yèsù Krístò, nyǎdù Kàgàwà bhà ale òzè wò dhu bhěyi dhu ní, nyí nyíli atdyúku Kàgàwà ìli fùkù òrù-akpà ò dhu dǝ dhu. Ndi atdyúku rǝ ònà dhu ka kòvò fùkù yà obhóngà tó Ɖte, Kàgàwà bhà Ídzi Mǎkùrù-otù ǝ. ⁶Ndi Ídzi Mǎkùrù ǝdhì itse, ndàdù àkà yà adzi ǝ kóró ngari ǝ. Fǎràbvù ndi dhu ǝnzì ndi ndi dhu bhěyi tí, ròpè ndi yà nyí nyíri Kàgàwà bhà ìdzìngà dǝ ka káwěna dhu, nyǎdù fìndá obhóngà nùni ǝnà idho ò rò. ⁷Èpafrà, kasu tó ǝdhìkà, yà atdí dǝ mǎ mózè ale, ní ndi wò ndi mǎkùrù núdhe fùkù. Àbadhi ní Krístò bhà kasutále, atdí dǝ ndi nífu, yà fàkà ngari ǝ arí kasu ǝnzì nyí mànà ale. ⁸Àbadhi ní ndi yà ìlìlǎ-Alafí írǎ nyí nǝ fùkù àzè tó mǎkùrù nòvò fàkà.

⁹Wò dhu-okú dò rò ní ndi, yà fùkù mǎkùrù mǎ mǎrínà rò, mǎ mà átò mǎ mǎrí nǝ mǎngyě mìtsò mǎ mí dùkú rò. Ní mǎ mí mìtsò Kàgàwà rǝ, ndíni nyí nabhù tí nyùni ndi nyú ndi ndòzè kònzì dhu, ndàdù nyíra dhu-ǝnga t'òvòta mà, ìnga t'ùnita mànà nǝ, pbìndà ìlìlǎ-Alafí-otù ǝ. ¹⁰Ndi dhu bhěyi ní ndi, nyí nyǎdù òko àdhàdhì Ádrùngbǎle ózè ka dhu bhěyi, nyǎdù kóró dhu ǝnzì kà-nyìkpó nòfò dhu bhěyi. Wòrì otu ǝ ní ndi, nyí nyǎdù kóró ìdzi dhu-tidò nònzì, nyǎdù àmbe Kàgàwà ùni dǝ mběyi nyú. ¹¹Kàgàwà rǎdù ǝbi àbhu fùkù pbìndà ádrùngbǎnga tó awáwù tó ǝbi nǝ, ndíni nyí nyongó tí kóró dhu-dzi òndù, ìnzì nyí nyí nyíngyě rórò. Nírò dhèdhe ǝ, ¹²nyí nyàkà nyǎbhu ǝtsò Àba Kàgàwà tò. Àbadhi ní ndi nyí nábhu nyíi iwà nyí nyàkà nyǎbà yà pbìndà ale tò kùli pbìndà awáwù tó idzi ǝ ongyéngá ale tí. ¹³Obhò tí kùkòlò àlě, àlě rùvò pfòmvo Sitanì aríi ádrùngbǎnga tó ǝbi nà ǝnà ìnò ǝ rò, ndàdù àlě ìtsu Idhùnà, yà atdí dǝ ndi ndazè ale bhà idzi ò. ¹⁴Ndi Idhùnà bhà ǝve-nyutsinǎ nga ní ndi, kùkòlò àlěi, ndàdù àlě tó nzérenga nùbà àlě tò nǝ.

Krístò ní kóró dhu-tsí dǝ Ádrùngbǎle dhu

¹⁵Krístò ní Kàgàwà, yà ìnzì arí ndalǎ ale bhà ǝfò nyú. Àbadhi ní ndi yà Kàgàwà anzì kóró dhu-tsí tó sengba^a. ¹⁶Obhò tí, kòtù ǝ, Kàgàwà anzì

^a 1.15 Sengba-tì ní kóró dhu tò ìi angyinǎ rò ale, ndirò kóró dhu dǝ aríi ǝsòsè ádrùngbǎnga nà ale (Zàb 89.28).

òrù-akpà ò ndirò yà adzi ò aríí kóró dhu, yà ì àlǎ rí dhu mà, ìnzí arí ì àlǎ dhu màna : ìmbǎ ríí ádròdrò kámá tó Tombi màtí, Ádròdrònga màtí, ndirò ìmbǎ ríí kóró màlàyíká mà òyá kámá màna màtí. Kàgàwà anzi kóró dhu kòtù ò, ndirò kòkú dò rò. ¹⁷Krístò níí ìnè angyi inzà kóró dhu àpè ìí rórò, ndirò yà ìí aríí kóró dhu-tsí náaríí kòtù ò. ¹⁸Ka ní *Kànisa-dò, ndi Kànisa ràdù ìí kà-ngbò. Ndirò ka ní ndi wò ndi ngbòna tò ípìrònga nabhù. Ndirò ka ní ndi wemberè tí ndi ningbè òve-bvù rò, ndíí ndi ndíí tí kóró dhu-tsí dò-tsírò wemberè t'ále tí. ¹⁹Obhó tí, Kàgàwà nyú nditírò náazè kóró pòndà òfò ríí ndi Idhùna-nyutsi. ²⁰Idhùna-otù ò, Kàgàwà azè ndùngbò kóró dhu-tsí ndi màna. Ndi Idhùna azù yà mùsàlabhà dò ndi nufu-otù ò, Kàgàwà níibho màrùngà yà adzi ò ndirò òrù-akpà ò.

²¹Ndirò nyí mà átò, angyi nyí nyíí itse Kàgàwà rò rò, ndirò nyí nyíí kàbhà òmvù, fùkú nzére irèta yà nyàbhù rí nyàmbe nzére dhu ònzì dò nóokú dò rò. ²²Pbétù kòmbí, Kàgàwà nùngbò wà nyí ndi màna, Idhùna bhà òve-otù ò, ndíí nyí nabhù tí nyòtù nyí kònzí ìlǎ ale tí, ìmbǎ nzére dhu tí ka kòzàna dhu ríí nyuyatsi, ndirò ìmbǎ ríí atdí afátá nà màtí ale tí. ²³Pbétù, nyí nyàkǎ nyòdí pǎkù, nyàdù ìko pòtsò fùkú a'uta ò. Ndirò, nyí nyàkǎ nzá nyíndà nyí ndi Ídzi Màkürù rò rò. Ka ní ndi àlǎ tó a'uta ídè dóná dhu. Ndi Ídzi Màkürù ka kùno yà òrù-akpà-tsinǎ aríí kóró ale tò. Ní ima Pòlò, Kàgàwà ìli ma míí kùno rí ìndrù tò ale tí.

Pòlò rí kasu ònzi, ndàmbe ndùgyè dǎ Kànisa tó ídzìnga-okú dò rò dhu
(1Kò 2.7-13; Èfe 3.1-13)

²⁴Kòmbí idhèdu ìka wà ndi yà fùkù ma mí Ídzi Màkürù ùno dhu ràbhùna mabà àpè-okú dò rò. Ndi ngbòdu ònǎ rò ma màbàna àpè-otù ò, ma mí Krístò abà àpè-tsù ìndrì. Ma mí ndi àpè àbà kà-ngbò tò ídzìnga nabhù tí. Ndi kà-ngbò ní Kànisa. ²⁵Ima, ma móngò wà Kànisa-kàsù t'ònzitatále tí, àdhàdhì yà Kàgàwà udhè ka mònzì ndíí ídzìnga nabhù tí fùkù dhu bhéyi. Kǐdì ma ndíí ma muno tí pòndà òte kóró fùkù. ²⁶Ndi òte ní ndi yà ròpè ndi angyí màhàngú ò rò kǎrù ràdì òrù ò kóró ale tó rùgànda rò òte. Pbétù kòmbí, kǐtè wà ka kpangba pòndà ale tò. ²⁷Obhó tí, Kàgàwà náazè nditè yà ndi ndudhé òdhù ò ndíí ndi ndònzì tí dhu tó àbhònga mà, kà tó aya màna ìnzí ní Pbàyàhúdì tò. Yàrí ní ndi ndi òdhù ò kǎrù dhu : Krístò ríí afíku ò, ndirò ndi dhu àbhù nyí nyà'ù dhu ìnè nyí rǎrǐ ngari nà Kàgàwà bhà Ádrùngbǎnga tó awáwù ò. ²⁸Ndi dhu-okú dò rò ní ndi mà mǎrí Krístò dǎ òte òvo kóró ale tò. Mǎ mǎrí dhu òvo ìngbàtí ìli ndi ale mà tò mítdyu nyíkòna, màdù dhu ùdhe fíndà dhu-ònga t'òvòta tó kóró òfò ò, ndíí mǎ mònzì tí kóró ale dzùna, rò'ò Krístò-nyutsi. ²⁹Ndi dhu-okú dò rò ní ndi ma mǎrí kasu ònzi, màdù àmbe mugyè dǎ Krístò íbhò idù òbì, yà nyudutsi rí kasu ònzi ádrùngbǎnga tó òbì nyú nà ní.

2 ¹Ma mòzè nyùni dhu ma rarí kasu ònzi òbì nyú nà okùku dò rò, nyí Kòlòsayì ò pàkrístò mà, Làwòdikiyà ò Yèsù ná'ù ale mà, ndirò kóró

ngǔkpà ale kǎkà inzà apèna nyèdu-kpa mà nǎlǎ màna. ²Ma mòzè dhu ní afíku ròtsi obi, ndirò nyí rùngbò nyí atdíđ òzè ÿ. Ma mòzè dhu ní nyùlè Kàgàwà bhà Òte t'únita ní abho nyú. Ndi dhu bhèyi ní ndi, nyí nyádù Kàgàwà údhe ndònzì dhu yà órù ò ongónà àdi núnì^b. Ndi órù ò ongónà àdi dhu ní Krístò nyú ndìtírò. ³Kà-nyutsi tí ní ndi, àlě kádù àbàna dhu-ǒnga t'òvòta mà, inga t'únita màna tó kóró ongyéngá nùrù ì. ⁴Ma mí ndi dhu òvò fùkù, ìnzì atdí ale mà nùutrá tí nyí pbìndà òvòvù òte ní. ⁵Ìmbà dhu ríí itse ma mí rùkú rò ale-ngbò ònǎ rò dhu màtí, ní ma mí ìnè atdíkpá nyí màna ale-afí ònǎ rò. Ndirò idhèdu ìka ndì atdíđ, nyí nyáróko mbèyi àkǎkǎ òfò ÿ, nyádù ìko pòtsó Krístò nyí nyá'ù ní a'uta ÿ dhu ma màla rò.

Krístò dǎ tí dhu àkǎ kòsì ale bhà ípirǒnga dhu

⁶Nírò, yà nyí nyá'ù Yèsù Krístò ríí fùkú Ádrùngbàle tí dhu bhèyi, nyí nyàkǎ nyǒngò òko àbadhi ózè nyǒngò òko dhu bhèyi. ⁷Nyí nyàkǎ nyòđì ivékù kà-nyutsi, nyádù fùkú ípirǒnga òsì kà dǎ. Nyí nyàkǎ nyíko pòtsó a'uta ÿ, yà fùkù ka kúdhe ka dhu bhèyi. Ndirò nyí nyàkǎ nyíí òtsò àdù arí atdíđ Kàgàwà tò ale tí.

⁸Nyí nyàkǎ nyándà nga mbèyi, akye atdí ale mà nùutrána nyí yà ìndrù aríí nà ìmbà tǐna nà dhu-ǒnga t'òvòta-tidò ní ní. Ndi dhu-ǒnga t'òvòta-tidò ní yà ìndrù tó màndu mà, yà adzi dǎ obi nà dhu-tsí màna rǎ ndì nípbì, pbétù ìnzì ndàdù ndìpbì Krístò rǎ. ⁹Obhó tí, Kàgàwà bhà òfò ríí kóró nyú Krístò-nyutsi, kà-tì ní, kà-ngbò ò. ¹⁰Ka ní ndi òrù-akpà ò aríí kóró màlàyíkà mà, òyá kámá màna dǎ aríí ádrùngbǎnga tó obi nà. Ndirò, kà màna nyí nyúngbò nyí dhu-otù ÿ, ka kózù wà nyí àkǎkǎ obhó nyú ale tí.

¹¹Krístò màna nyí nyúngbò dhu-otù ÿ, Kàgàwà fli wà pbìndà ale tí rí nyíte ìndrù tò ize afíku ò. Angyí kítè Pbàyàhúdì tò ize tí dhu níí ònzàyánga òbhòlò abádhí rǒngò dhu. Pbétù, rùkú kǐli ize ní nzí ìndrù-òtsú fli, ka níli ní Krístò. Ní ndi dhu-otù ÿ, kípfo wà yà angyi nyí nyíí nà nzére òfò nyukutsi rò. ¹²Obhó tí, bàtizò nyí nyálù dhu-otù ÿ, nyí nyúve, kadù nyútdu atdíkpá Krístò màna. Ndirò nyí nyádù nyǔngbe átò atdíkpá kà màna, yà ka nabhù rìngbè ndì òve-bvù rò Kàgàwà bhà ádrùngbǎnga tó obi nyí nyá'ù dhu-okú dò rò. ¹³Angyi nyí, ìnzì ní Pbàyàhúdì tírò, nyí níí iwà nyí nyúve fùkú afátá-okú dò rò, ndirò ìmbà nyí nyíí Kàgàwà bhà ale tó ize nà rùkú dhu-okú dò rò ale. Pbétù kòmbì, Kàgàwà nábhu wà ípirǒnga fùkù atdíkpá Krístò màna, ndàdù fùkú nzérenga mà fàkà nzérenga màna núbà kóró. ¹⁴Àlě níí afátá nà ale, inzà àlě kifù kàbhà Úyátá dhu-okú dò rò. Pbétù, kǎkyè yà àlě òbhù ka karí okúya dò rò ì afátá ka kundí ònà bhàruwà. Kǎkyè ka dòtsí, Krístò ndì ndàbhù kutǎ mùsàlabhà dǎ dhu-otù ÿ. ¹⁵Ndi dhu-otù ÿ, Kàgàwà nùudhá òrù-akpà ÿ màlàyíkà mà òyá kámá

^b 2.2 Kòl 1.26

mànà tó ɔbì, ndàdù abádhí náte kpanyba kóró ale-ònzí, àdrà-mbì-akpà dǎ ka kùsǒ rórò, ndíńí Idhùnà ònzí dhu-lèmà dhu nitè tí.

Inzá dhu àkǎ kifù ìndrù rùdhèna tìtò tó dhu dhu

¹⁶Nírò, dhu àkǎ nzá atdí ale mà ròtdì-ànyàku nyí nyónyuna dhu-okú dò rò, ndirò nyí nyómuvàna dhu-okú dò rò. Ndirò, atdí ale mà àkǎ nzá ndòtdì ànyàku inzá nyí nyífu Pbàyàhúdí tó atdí m̀hèndù-idhò mà, àbì-kudò tó m̀hèndù mà, ndirò sàbatù-idhò mà dhu-okú dò rò. ¹⁷Kòrí dhu kóró níńí irà rírá dhu-sisì kèlè. Pbétù, kóró i dhu-tsí tó obhóna ní Krístò ndì nyú tíró. ¹⁸Àpé nyàbhu nyí ingbatí fíi ndì ale mà, yà iriná rò rí ndìtè yorowà t'ále tí ràmbe ànyàku itdì dǎ. Ndirò, àpé nyàbhu nyí màlàyíká ùlè arí ale mà ràmbe ànyàku itdì dǎ. Wò dhu bhèyi ale-tidò ní, yà ndì ndálàna ɔnyu òdzì dònà dhu bhèyi dhu rǎ tí arí afína àpbà ale, ndàdù àmbe ndòyò dǎ kòkòrò pbìndà ìndrù tó ɔfò ǎ ndì ndíńí nà irèta-okú dò rò. ¹⁹I ale nùpbà nzá i Krístò rǎ. Krístò ní ndì *Kànìsà-dò, ndirò kànìsà ní kà-ngbò. Ka ní ndì arí pbìndà ale nóngù, ndàdù abádhí-tsù àndu ròkò atdíkpá, àdhàdhì ale-ngbò-ròngá-nzo náarí 'ùnzí ngìngò ǎ rò, ndì ale-ngbò ràdù àmbe òvì dǎ Kàgàwà-afí ózè dhu bhèyi.

²⁰Nyí, nyí nyuvè wà atdíkpá Krístò mànà, nyàdù ùvò yà adzi dǎ ɔbì nà dhu-tsí tó àdr̀ngbànga tó ɔbì ǎ rò. Ní ádhu nyí nyaràdù nyònzí yà adzi ǎ ale bhèyi fùkú okota ǎ, nyàdù nyòzè nyífu kǎkà dhu bhèyi uyátá-tidò ní? ²¹I uyátá ràtina : « Àpé nyónyuna yà dhu ! Àpé nyìnè yà dhu ! Àpé nyalú yà dhu-ngbò ! » ²²Kòrí dhu kóró nípbì i ròyá dhu ní 'inza ràdù atdí-gùna tí ka kònzí kasu i ní rò dhu. Ndirò i dhu kóró ní ìndrù tó uyátá mà, ìndrù rùdhèna dhu mànà kèlè. ²³Obhó tí, kǎkò i uyátá rí 'àlǎ dhu-ònga t'òvòta tó ɔfò bhèyi. I uyátá rí ìndrù àvì rùlè ndì ndòzè dhu-tsí kèlè, ràdi yorowà tó ɔfò bhèyi rí ndálà ɔfò ǎ, ndirò ràbhu ngbòna ràbà àpbè Kàgàwà-okú dò rò. Pbétù, kǎkò i uyátá ríńí mbà tìya nà, abádhí ràbhùna ìndrù r̀nzí ní i í atdyúya òho dhu-tsí kèlè nídhuní.

Krístò, òr̀-akpà ò aríńí ale, náafí nózè dhu ònzí ka kí dhu

3 ¹Nyí nyapè íńí iwà nyí nyungbe nyí atdíkpá Krístò mànà dhu tí, ní nyí nyàkǎ nyòmè òr̀-akpà ò aríńí dhu, yà Krístò arádi Kàgàwà bhà fangà dònǎ rò i. ²Nyí nyàkǎ nyíli afíku atdí dǎ òr̀-akpà ò dhu dǎ, ìnzí ní nyíli afíku yà adzi ǎ dhu dǎ. ³Obhó tí, nyí nyúve wà, Kàgàwà ràdù nyàbhu nyungbe nyí ɔve-bvè rò. Ní kòmbí, nyí nyórù wà fùkú ípìr̀nga atdíkpá Krístò mànà Kàgàwà-nyutsi. ⁴Krístò ní ndì fùkú obhóná ípìr̀nga. Ndirò kà rí ndàvì kpanyba tǎfǎdǎ nínganí, nyí mà átò nyí nyavíya nyí atdíkpá kà mànà, kàbhà àdr̀ngbànga tó awáwù ǎ.

⁵Nírò, nyí nyàkǎ nyòkyè yà adzi ǎ kóró dhu-tsí kǎkà nyukutsi aríńí : m̀nyòndì t'ònzita mà, Kàgàwà-nyìkpò ǎ ka kòtì dhu mà, ale-nyí ríwù ní nzère dhu-atdyú t'òhota mà, ndirò ongyéngá-atdyú t'òhota mànà. Ndi ongyéngá-atdyú t'òhota

rîî àdhàdhì yà *sànamù ùlě ka kí dhu bhěyi. ⁶Kòkò nzérenga-okú dò rò ní ndi Kàgàwà bhà nàwí nńsíya yà ìnzí arí tsuná dhu ìri ale dđ. ⁷Angyi, nyí nyongónà dhu ònzì ndi dhu bhěyi, yà i nzérenga-òbì náasè dükunà nínganí.

⁸Pbétù kòmbí, nyí nyàkà nyípfo kàkà dhu-tsí kóró nyukutsi rò. I dhu ní: nàwí ònzì nyí nyí dhu, ùkúnga rí ndiwa dhu, nzére dhu ònzì nyí nyí dhu, ìndrù ùdhù nyí nyí dhu, ndirò ìndrù nń nyí nyí dhu ùncò nń òte-tidò rǎhu liku ò rò dhu. ⁹Nyí nyàkà nzá nyùnò títò fùkù nzínziku ǔ. Obhó tí, nyí nyípfo wà yà angyi nyí nyí nà fùkù ìndrù-ayí tó ǔfò nyukutsi rò, pbìndà mùtsò mànà, ¹⁰nyádù ìndrù-òwútá tó ǔfò núfò rùkú. Obhó tí, nyí ní ìndrù-òwútá. Kàgàwà, yà àlě nabhòlò ale, náarí nyàbhù nyòngò ìndrù-òwútá tí bìlìnganà. Ndi dhu bhěyi ní ndi, nyí nyádù àmbe nyǎli dđ kà bhěyi atdídđ, nyádù kùni mběyi nyú. ¹¹Ní wò dhu-okú dò rò, ìnzí ní Pbàyàhúdì mà, Pbàyàhúdì mànà ònga ùncò ka kí dhu-tì rîî ìmbà. Kà rîî ndi dhu bhěyi tí ònzìyànga ka kòbhòlò ale mà nzínzì ǔ, ìnzá ka kòbhòlò ònzìyànga ale mànà, iwà inga núni ake ale mà nzínzì ǔ, ìnzá inga núni akekpá màtí ale mànà, ndirò ìncò tí aríí ale mà nzínzì ǔ, ìtírò aríí dđyá ale mànà. Obhó tí, Krístò ní ndi kóró dhu dđ idzi nónyè ale, ndirò kà rîî ìngbàtì fli ndi ale mà yà ndi ná'ù nyutsi.

Kànisa ǔ pbàkrístò àkà 'òkò tí nzínziya ǔ dhu

¹²Nírò nyí yà Kàgàwà òvò fíndà ale tí rò, nyí ní kàbhà ale, yà atdídđ kòzè ale. Ní ndi dhu-okú dò rò, nyí nyàkà nyí nà ní ìzù àbà nyí nyí ìndrù dđ nń afíkù, ìdzinga ònzì nyí nyí ìndrù tò nń afíkù, yòcòwà nà nyí nyóko nń afíkù, ìyònga ǔ nyí nyóko nń afíkù, ndirò dhu-dzi òndù nyí nyí nń afíkù. ¹³Nyí nyàkà nyòndù dzìkù nzínziku ǔ. Ndirò òdhìkù òbhù nyí nyí okúna dò rò dhu nà nyí nyí rò, nyí nyàkà nyòwù dhu ùbà rǔ fùkù nzínziku ǔ, àdhàdhì Ádrùngbàlè Yèsù núubà dhu fùkù dhu bhěyi. ¹⁴Ròsè kóró kòrì dhu dònǎ, nyí nyàkà nyí àzè nà. Obhó tí, àzè náarí ndi kóró ale ùngbò rîî atdí ale nyú tí. ¹⁵Nyí nyàkà nyí Krístò bhà màrùngà nà afíkù ò. Obhó tí, Kàgàwà únzì nyí nyí ndi màrùngà nà, ndíni nyí nyí tí atdí ale-ngbò tí. Ndirò, nyí nyàkà nyí òtsò àdù arí Kàgàwà tò ale tí. ¹⁶Krístò bhà òte àkà ndàdi abhò nyú nzínziku ǔ. Nyí nyàkà nyòwù dhu ùdhe rǔ fùkù, nyádù sedzà ùbhò fùkù nzínziku ǔ dhu-ònga t'òvòta tó irèta nyú nà. Nyí nyàkà nyòwù adyi ùyù rǔ Kàgàwà tò atdí afíkù nyú nà, nyádù òwu òtsò àdu rǔ kà tò *Zàburì mà, ilèta tó adyi mà, ìlìlǎ Alafí rí nyàbhù nyǎyù ngùkpà adyi mànà ǔ. ¹⁷Ìngbàtì fli ndi dhu mà nyí nyònzina, òtè-ku ǔ màtí, ndirò mùtsòkù ǔ màtí, nákà nyònzì kóró Ádrùngbàlè Yèsù-òvò rǔ, nyádù òwu òtsò àdu rǔ Àba Kàgàwà tò kòtù ǔ.

Fí-dzá pbàkrístò àkà 'òkò tí dhu

(Èfe 5.22-33; 6.1-9; 1Tì 6.1-2; Tit 2.9-10; 1Pé 2.18-25; 3.1-7)

¹⁸Nyí vèbhálé, nyí nyàkà nyí rí fùkù kpabhále-tsù dhu àkàkà dhu bhěyi, Ádrùngbàlè Yèsù-ònzì.

19Nyĩ kpbahále, nyĩ nyàkǎ nyòzè fùkú vèbhále, ìnzĩ nyǎdù òwu òko rǎ abádhí mànà ìdzò tí nyĩ nyǎdzò ngbòku rórò.

20Nyĩ nzónzò, nyĩ nyàkǎ nyǐfu nyĩ nódhì ale kóró dhu ǎ. Obhó tí, wòrì ní ndi Ádrùngbǎle-nyìkpó nǒfò dhu.

21Nyĩ nzónzo t'ábánǎ, nyĩ nyàkǎ nzá nyòwù fùkú nzónzo àbhu rǎ rǎkò, akye nyĩ nyabhùna abádhí-afí ringyè ì ní.

22Nyĩ ìno tí arǐfì alé, nyĩ nyàkǎ nyǐfu yà adzi ǎ fùkú ádròdrò ale kóró dhu ǎ. Nyĩ nyàkǎ nzá nyǐfu abádhí yà abádhí rǐ nyǎlǎ nyìkpóya ǎ òná kàsùmì ǎ tí, àdhàdhì abádhí-nyìkpó ǎ tí nyĩ nyĩ nyǐfù dhu bhèyi. Pbétù nyĩ nyàkǎ nyǐfu abádhí ìdzi afíku nyú nà, Ádrùngbǎle ifù nyĩ nyarí dhu-okú dò rò. 23Ndirò nyĩ nyònzina ìngbàtí ìli ndi dhu mà, nǎkǎ nyònzì atdí afíku nyú nà, àdhàdhì Ádrùngbǎle tò nyĩ nyĩ kasu ònzi dhu bhèyi, ìnzĩ ní ìndrù tò nyĩ nyĩ kasu ònzi dhu bhèyi. 24Nyĩ nyàkǎ nyǐrè dhu ní, Ádrùngbǎle rubhòya yà pbìndà ale tò ndi nduli perè tí dhu fùkù. Obhó tí Krístò, yà nyĩ nyarí kàsùna ònzi ale ní ndi obhónánga tó Ádrùngbǎle. 25Pbétù, nzére dhu ònzi arí ale bhà perè Kàgàwà ubhòya àdhàdhì yà kǎnzì nzére dhu-bvu rǎ, kǎrì nzì dhu òlè ìndrù tò nídhunì.

4 1Nyĩ ádròdrò alé, nyĩ nyàkǎ nyònzì dhu fùkú ìno tò obhónánga dǎ, ndirò àkǎkǎ mǔgèrè ǎ, nyǎdù dhu ùni nyĩ mà átò nyĩ rǎrǐfì ìnè dùkú Ádrùngbǎle nà òrù-akpà ò.

Pbàkrístò àkǎ 'òkò ìnzá àpè Yèsù à'u ale nzínzi ǎ tí dhu

(Éfe 5.14-17; 6.18-20)

2Nyĩ nyàkǎ nyòkò pòtsó itsòta ǎ. Ndirò nyǐtsò nyĩ nyĩ rò, nyĩ nyàkǎ nyòdò Kàgàwà rǎdùna fùkù dhu òtsò àdù nyĩ nyĩ kà tò rórò. 3Nyĩ nyàkǎ nyǐtsò nyĩ dǎkǎ átò, ndíni Kàgàwà angbe tí pbìndà Ɔte òwò mà mí ìndrù tò ní otu fǎkǎ. Ndi Ɔte ní Krístò nàndà Ɔte, yà òdhù ò ongónà àdi. Wò ndi Ɔte-okú dò rò ní ndi ma mǐfì kòmbì imbi ò. 4Nírò, nyǐtsò nyĩ dùdù, ndíni ma mara tí kòvò rǎ kpangba, àdhàdhì kàkǎnà mǔvò dhu bhèyi.

5Nyĩ nyàkǎ nyǐfì dhu-ònga t'òvòta tó mǔtsò nà ìnzá àpè Yèsù à'u ale-ònzì, nyòwù ìdzìnga ònzì rǎ abádhí tò nyĩ nyàbà kóró kàsùmì ǎ. 6Ɔtǎku àkǎnà ndíni inga nǒfò Ɔte tí bìlìnganà, ndàdù òvù iko ní ka kòsì dhu bhèyi. Nyĩ nyàkǎ nyòwù Ɔte àdu rǎ ìngbàtí ìli ndi ale mà tò àkǎkǎ dhu bhèyi.

Bhàruwà rǐku dǎnǎ rò ovita

(Éfe 6.21-22)

7Ìma nàndà kóró dhu nòvò rí fùkù ní àlè t'ádòná Dòkíkò. Àbadhi ní atdídzò ma mòzè ale, atdídzò pbìndà kasu nífu kasutále, ndirò atdíkpá mà mǎrì Ádrùngbǎle Yèsù bhà kasu ònzi mànà ale. 8Ndi dhu-okú dò rò ní ndi ma mòvì ka tikù ò, ndíni mà múda òná dhu nòvò tí fùkù, ndàdù afíku àbhu ròtsi ɔbi. 9Ma mòvì abádhí atdíkpá atdídzò ma mòzè, ndirò

atdídǎ ndì nífu àlě t'ádǎnà Ònèsímò mànà. Ndi Ònèsímò ní àwú fūrǎbvǎ ale. Abádhí ní i rí iró ì nǒnzì kóró dhu àwě fùkù.

¹⁰Ɖdhìdu Àsìtarikò, yà atdíkpá ka kúsò mǎ mànà ale, nóvì nyí. Ndirò Mǎrkò, Bàrnabà t'ádǎnà nóvì nyí átò. Nyí nyábà wà Mǎrkò-okú dò rò ma múnò fùkù dhu. Ní fūrǎbvǎ kà rǎrà àhù rò, nyàkò ka mběyi. ¹¹Ndirò Yēsù, yà Yèsitò tí kátina ale, nóvì nyí átò. Kǎkà Yēsù ná'ù Pbàyàhúdì nzínzì ǎ, kǎkà ìbhù ale kèlě ní i atdíkpá arí kasu ònzì ima mànà òrù-akpà ǎ Ádrùngbǎ kamà Kàgàwà bhà Idzi-okú dò rò. Ndirò abádhí ní i afídu nópè.

¹²Fūrǎbvǎ ale Èpafrà nóvì nyí átò. Ka ní Yēsù Krístò bhà kasutále. Kǎrí nzì ndìngyě ndìtsò ndì ndí dǎkù bìlìnganà rò, ndínlí nyí nyikò tí pòtsó fùkù a'uta ǎ, ndínlí nyí nyò'ó tí afíku ònǎ rò, nyǎdù àmbe Kàgàwà-afí òzè kóró dhu ònzì dǎ. ¹³Ma mí dhu òvò kpanya kòkú dò rò mati, kà rarí ndùgye atdídǎ okúkù dò rò. Ndirò kǎrí ndùgye Làwòdikiyà mà Hiyèrǎpolì mànà tó kigò ǎ arínlí pbàkrístò-okú dò rò. ¹⁴Lukà, yà atdídǎ àlě kòzè àlě tó mǎngangà mà, Dēmà mànà nóvì nyí.

¹⁵Òvì nyòvì Làwòdikiyà tó kigò ǎ rínlí àlě t'ádóna pbàkrístò, atdíkpá Nifà mà, yà pbì idzá arí 'ùndǎ pbàkrístò mànà. ¹⁶Yàrí bhàrǎwà ka kòzúna gukyè nzínzìkù ǎ, ní nyònzì kóró ǎbì, kòzù ka átò Làwòdikiyà ǎ *kànìsà ǎ. Ndirò nyí, tikù ònǎ rò, nyí nyàkǎ nyǎzù wò ndi kànìsà ǎ bhà tò ma màndì bhàrǎwà átò. ¹⁷Ɖvò nyòvò dhu Àrkipò tò nyǎti: kà rǎkǎ ndàndà nga mběyi yà fóná Ádrùngbǎle Yēsù ábhù kasu nà, ndínlí ndadù tí kònzì mběyi.

¹⁸Íma Pòlò, ma màndì dhu ɔtsúdu nyú nǎ, movì nyí nǎ. Àpé nyàdzo àdì ma màdì imbi ò dhu rǎ rò. Kàgàwà àkǎ ndàsò nyí!